

- Везде¹ ты, смерти, выну притекаеши
и никого никакo обтекаеши.
- 9 Ты царем златыя венцы отъимаеш
и главы их без милости отсекаеш.
Ты дивных князей и бояр извергаеш
и во темная гробища засылаеш.
Воеводам ты булавы отбиваеш
и недвижима до гроба провождаеш.
Ты сладкоглаголивый язык связуеш
и безсловесна пред всеми показуеш.
Премудрых философов без ума дееш
и во вечное молчание одееш.
- 10 Где, иже светло и весело почили,
всех их тамо уже черви расточили?
Силных исполинов от света згонила
и в небытие всех еси изгонила,
Злым смехотворцем изтлила еси губы
и насилиу остались ли и зубы.
О, смерти, приход твой зело есть страшливый
и час исхода смутливый и плачливый.
Без проповеди нас яко тать крадеши
и у всякаго на гортани сядеши.
- 11 Молодости и красоты не знаеши,
жалости же и милости немаеши.⁴
Богатства и славы не разсмотряеши,
нищеты же, бедности не созерцаеши,
В радости и здравии обираеши,
во скорбех же и гною не гнушаеши,
Несть тебе потребно воздыхание,
ни многослезное лияние.
Великих и малых в равенстве береш
и тако помалу всех проведеш.
- 12 Брала еси, смерти, от начала века,
дойдеш же до последнего человека.
Зрите, людие христоименити,
во всех чинех, просцы и знаменити,
Кто от вас ныне умрет, вы провожайте,
а своей смерти выну разсуждайте.
Пришествия ея всегда ожидайте
и веякого греха себе соблюдайте.
Ко господу воздевайте в молитвах руки,
дабы вас избавил от вечных муки.⁵

(ГАКО, № 697/7173, лл. 64 об. — 66 об.).

О безмерном питии и о безмерном запойстве двоестрочием простообразно счинено^а

л. 78

Егда человек безвременно и безмерно вина
испивает,
тогда он все свое домовное радение забывает.

¹ Здесь и далее начальные буквы в стихах в рукописи не написаны, для них оставлены чистые места. Эти буквы восстановлены нами. ⁴ В рукописи в этом слове после слога не стоит ерик. ⁵ Внизу другим почерком и во веки веков, аминь.

^а Текст сплошной, разбивка на стихи сделана нами.